



Na osnovu člana 64. stav (1) tačka b), člana 70., a u vezi člana 32. stav (1) Zakona o javnim nabavkama („Službeni glasnik Bosne i Hercegovine“, br. 39/14, 59/22 i 50/24) i člana 18. Poslovnika Centralne izborne komisije Bosne i Hercegovine („Službeni glasnik BiH“, broj 32/23, Prečišćen tekst), na preporuku Komisije za nabavku od 06.07.2026. godine, Centralna izborna komisija Bosne i Hercegovine je na 42. sjednici održanoj 16.07.2026. godine, d o n i j e l a

ODLUKU **o poništenju postupka nabavke**

(1) Poništava se postupak javne nabavke –**štampanje obrazaca i šema pakovanja za provođenje Općih izbora 2026. godine LOT 2** izvršen primjenom otvorenog postupka nabavke broj: 07-2-16-3-873-3/26 od 09.06.2026. godine.

(2) Postupak iz stava (1) ove odluke se poništava iz razloga što je ponuda ponuđača „Grafika Šaran“ d.o.o. Sarajevo Srđana Aleksića 28, 71000 Sarajevo, koji je jedini dostavio ponudu za LOT 2, neprihvatljiva i nepravilna u smislu odredbe člana 2. tačka 1) alineja 2) i 3) Zakona o javnim nabavkama, jer ponuđena cijena u iznosu od 410.877,50 KM bez PDV, prelazi planirana sredstva za LOT2.

(3) Obavještenje o poništenju postupka iz stava (1) dispozitiva ove odluke objavit će se na „Portal javnih nabavki“ u skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacioni sistem „E-nabavke“ („Službeni glasnik BiH“ br. 80/22).

O b r a z l o ž e n j e

Postupak javne nabavke proveden je putem otvorenog postupka, Obavještenje o nabavci objavljeno je na portalu Javnih nabavki, broj obavještenja: 794-1-2-151-3-10/26 od 09.06.2026. godine. Primljena je samo jedna ponuda, ponuđača „Grafika Šaran“ d.o.o. Sarajevo, Srđana Aleksića br. 28, 71 000 Sarajevo do krajnjeg roka za dostavljenje ponuda.

Komisija za javnu nabavku imenovana Rješenjem broj: 07-2-16-3-873-2/26 od 29.05.2026. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-873-20/26 od 06.07.2026. godine je u prilogu ove odluke) i utvrdila da je dostavljena ponuda ponuđača „Grafika Šaran“ d.o.o. Sarajevo neprihvatljiva i nepravilna u smislu odredbe člana 2. tačka 1) alineja 2) i 3) Zakona o javnim nabavkama, jer ponuđena cijena u iznosu od 410.877,50 KM bez PDV, prelazi planirana sredstva za LOT 2 - štampanje obrazaca i šema pakovanja za provođenje Općih izbora 2026. godine. Procijenjena vrijednost za ovaj lot je iznosila 150.000,00 bez PDV-a odnosno 175.500,00 sa PDV-om.

Centralna izborna komisija BiH je na preporuku Komisije za javnu nabavku donijela Odluku o poništenju postupka nabavke usluga štampanja obrazaca i šema pakovanja za provođenje Općih izbora 2026. godine LOT 2, iz obrazloženih razloga.

Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili elektronskim putem, u roku od deset (10) dana od dana prijema ove odluke.

Broj: 07-2-16-3-873-22/26
Sarajevo, 16.07.2026. godine

Dostavljeno:

1. Ponuđačima
2. Odsjeku za materijalno finansijske poslove
3. Na web CIK BiH i
4. A/a



Predsjednik
[Signature]
Jovan Kalaba